

Ikalaata ilya wutatu ilya
Yookhani
Uwandilo

Umusundikwa uYookhani ásimbile ikalaata ili ifupi, kwa mulongozi umo uwa Bhakilisiti, itaawa lyakwe bhakhatinji uGaayo. Mwi kalaata ili uYookhani akumupaala uGaayo, kunongwa ye ábhaposheleeye akhinza abhabhombi bhamu bhe bhásonteleziizwe mu shibhanza shiila. Akumulamba uGaayo kulandata injendo iya Bhakilisiti bhe bhakubhomba inyinza. Khabhili akumubhuuzya kuti atabhalandataje bhe bhakubhomba imbiibhi, na bhaala bhe bhakuyibhiikha kuti bhapiti mu vibhanza.

Uwandilo

¹ Ine numusongo uwa shibhanza, inkukusimbila iwe Gaayo wa muganwa waani, we inkuganile ku wanalyoli.

² Muganwa waani, inkupuuta kuti ujendeelele akhinza ku zyonti mu wiikhalo waakho. Inkukulaabhila umubhili waakho wabhe akhinza, inga ukujendeelela akhinza mu wapeeka waakho nu Mulungu.

³ Násesheeye nhaani, abhanholo bhitu bhamu mu lwitikho we bhinza na kumbuuzya kuti ukujendeelela kalema izya wanalyoli, na kwikhala mu wanalyoli.*

⁴ Khatalipo akhantu khe khakumpa uluseshelo ulupiti nhaani kushila kwimvwa kuti abhaana bhaani bhakujendeelela kwikhala mu wanalyoli.

* 1:3 1:3 Na kwikhala mu wanalyoli Kwi dala ilyamwabho amazwi ganaaga gaku ti nalyoli ukwikhala mu wanalyoli.

Uwusunde wa Gaayo

⁵ M~~u~~ganwa waani, iwe we musunde ku ziila zye ukubhabhombela abhanholo m~~u~~ lwitikho, she poope bhajeni kukwakho. ⁶ Bhashibhuziize ishibanza isha piipa ulugano lwakho. Inkukulamba, ujendeelele kubhaavwa akhinza anza she uM~~u~~lungu ayiganile, bhajendeelele kushuula. ⁷ Kunongwa ye bhándile kushuula kumubhombela uMwene uYeesu sita kuposheela akhantu naakhamu akha kubhaavwa kufuma ku bhantu bhe bhatakumwitikha uM~~u~~lungu. ⁸ Pe shiniisho, itwe tukhondeeye kuti tubhavwaje abhantu anza bhanaabho, inga tubhombaje peeka nabho imbombo kunongwa ya wanalyoli.

UDiotileefe nu Demetiliyo

⁹ Náshisimbiiye ishibanza ikalaata, ileelo uDiotileefe we akuyibhiikha pilongolela ngati we musongo waabho, atakusaajila zye insimbile. ¹⁰ Pe shiniisho, we ninza kunukwo, inhayivundula apazelu zyonti zye akubhomba, kwe kuti amasenha na malenga ge akutwandila. Te ziniizyo nyeene khaala, lyoli akukhaana kubhaposheela na bhanholo bhiti m~~u~~ lwitikho bhe bhakushuulila kunukwo. Khabhili akubhadinda abhantu abhanji bhe bhakwanza kubhaposheela, na kubhabhinga m~~u~~ shibanza.

¹¹ M~~u~~ganwa waani, utenyezyaje kubhomba imbiibhi, lyoli ubhombaje inyinza. Wowonti we akubhomba inyinza, w~~u~~nyoyo we muntu wa M~~u~~lungu. Ileelo wowonti we akubhomba imbiibhi, w~~u~~nyoyo atakuziyaganya kuti uM~~u~~lungu wu naanu.

¹² Abhantu bhonti bhakusimishizya kuti uDemetiliyo muntu mwinza, ni mbombo zyakwe izya wanalyoli zikusimishizya kuti mwinza. Poope niitwe,

tukusimishizya **kuti** muntu mwinza, **ni**we umanyile **kuti** ulusimishizyo **lwi**u lwa nalyoli.

*Indam***ukho** izya **kumali**iliza

¹³ **Indi** na mazwi aminji ge nanzaga kubhasimbila, **ileelo** intakwanza kusimba genego mwi kalataasi nu wi-ino. ¹⁴ **Lyoli** inkus**ubhila** k**ukuya**atila nal**ubhilo** inga **tukhalonje** we twalolana.

¹⁵ Uwutengaanu **wubhe** peeka **ni**we. Abhamanyani **bhi**tu abha **pi**pa bhak**ukulam**ukha. **Ni**we, **utulamushile** abhamanyani **bhi**tu **kun**ukwo weeka weeka **kwi** taawa lyakwe.

ULufingo uLupwa ku ndongo iya Shimalila
Malila: ULufingo uLupwa ku ndongo iya Shimalila (New
Testament+)

copyright © 2020 Wycliffe Bible Translators, Inc.

Language: (Malila)

Contributor: SIL International (in Africa)

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 13 Jun 2022

3aa8e7a3-f258-5182-ab3f-fbc6f725bb06